



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauensium, ac Brixinensium

Hund, Wiguleus

Monachii, 1620

Integrum Regis Ludouici, Arnolphi filij hic exhibemus.

urn:nbn:de:hbz:466:1-13553

uocatur furtus lacus, in integrum ad regnum reuertatur ius & dominatio, iustifimus hoc & nostræ mansuetudinis præceptum inde conferibi, per quod decernimus atque iubemus, ut liceat ab hodierna die Rectoribus præscriptarum Ecclesiarum cuncta hæc, quæ supra memorauimus possidere, ordinare, & disponere secundum eorum voluntates, ita ut ab hodierna die nulla persona vel exactor in easdem res contra hæc descripta inuadere, aut aliquam violentiam inferre præsumat, sciens quicumque hoc facere præsumpserit, debitam pœnam violentiæ eisdem Rectoribus coactum se exoluere idest, libras XXX. argenti probatissimi; Et ut hæc nostra largitio in æuum firmior & credibilior ab omnibus habeatur manu propria subter eam firmauimus & sigillo nostro sigillari iussimus. Signum Domini Arnolphi Imp. Augusti. Engelpero notarius ad vicem Winchingi Episcopi recognouit. Datum XIV. Kal. Septembris Anno Dominicæ incarnationis DCCCXCVIII. Indictione VI. Anno XI. regni Domini Arnolphi regis, Imperij autem eius III. Actum Ratensdorff in Dei nomine feliciter. Amen.

Integrum Regis Ludouici, Arnolphi filij hic exhibemus.

gg

In nomine sanctæ & indiuiduæ Trinitatis. Luduicus diuinâ fauente clementia Rex, Si erga diuino cultui mancipata more paterno, nostri iuuanis beneuolentiam ostenderit, hoc nobis ad regni nostri diuinitus nobis collatum, nec non & perhennis iuris præmium feliciter capessendum liquidò credimus profuturum. Ideoq; omnibus sanctæ Dei Ecclesiæ presentibus fidelibus & futuris notum esse volumus, qualiter vir venerabilis, nomine Richarius, Patauien. scilicet Præsul, per quorundam procerum nostrorum, Adalberonis quoque Reuerendi Antistitis ac studiosissimi nutritoris nostri, & Waltonis Frisingen. Episcopi, nec non Lutualdi illustis Comitis & dilecti propinqui nostri interuentum, regalitatis nostræ eminentiam, merore confectus Episcopus sui damnum lamentando interpellans, eò quòd se uiente, pro cholor, paganorù impugnatione, quædã pars diocesis suæ, ubi sancti Floriani martyris monasterium constructum esse dignoscitur, ex improviso deuastata est, deprecans, ut ciuitatem illam, quam fideles nostri regni pro tuitione patriæ vnanimiter contra eorundem Christiani nominis persecutorum insidias nouiter in ripâ Onasi fluminis, in proprio iam dicti martyris, partimque in terrâ Præfecturæ terminalis statuantes construxerunt, ad suprascriptum sacrosanctum locum, in quo eiusdem beatissimi martyris corpus venerabiliter humatum est, traderemus, iuriq; ipsius sancti atque potestati largiendo firmaremus. At nos diuino compuncti amore, beatique Floriani confisi intercessione, consultui cunctorum procerum nostrorum gratanter satisfaciens, nec non prænominati ipsius Episcopi prouisioni libenti animo annuentes, decreuimus ita fieri, eandemque ciuitatem cum omni apparatu munitionis seu utilitatis, cum conuenientia terminalis comitis, per hoc præceptum nostrum. Christi martyri Floriano, absque vllâ retractione perhenni iure, pro remedio animæ nostræ parentumque nostrorum æternâ liberatione contulimus atque tradidimus. Insuper etiam quidque seruus noster quidam, nomine Perhart, in Aquilonari parte Danubij proprii in terrâ & mancipijs in ipsâ marcâ tenuit, eidem Sancto Dei perpetim firmamus, ut idem Episcopus tam de ciuitate, quamque ex ipso proprio, sui que successores liberâ perhenniter fruatur potestate. Et ut hæc verius credantur, memori manu nostrâ id subter roborantes annulo nostro iussimus insigniri. Signum Domini Luduici pijsissimi Regis. Engelpero notarius

Gg 2

ad

ad vicem Theotmari archiepiscopi recognoscitur. Datum XIV. Kal. Februarij, Anno Domini DCCCC. Indict. IV. Anno verò regni reg. Ludovicus I. Actum in ciuitate Ratifponâ in Dei nomine feliciter. Amen.

h. h. *Diploma seu literæ consensus Ludouici Regis huius sunt tenoris.*

IN nomine sanctæ & indiuiduæ Trinitatis LV DVV I CVS diuina largiente gratia REX; Liquidò enim confidimus, si erga diuina MONASTERIA Deo seruientibus aliquod solamen largituri sumus, nobis in perpetuum, & ad stabilitatem Regni nostri prodesse. Quapropter nouerit omnium fidelium presentium atque futurorum solertia, qualiter quidam COMES nomine ARBO, & ENGELMAR PURCHARDI EPISCOPI Vasallus, licentiâ eiusdem Episcopi, celsitudinem nostræ dominationis humili admonitione flagitantes adierunt, vt quibusdam CANONICIS PATAVIENSIVM Deo & sancto STEPHANO protomartyri Christi die noctuque famulantibus quædam loca, quæ antea vnâ cum decimatione ab illius sedis Rectoribus, scilicet Episcopis, in beneficium habere noscantur, in proprietatem concederemus. Nos verò, ob amorem Domini nostri IESU Christi & sancti Stephani, licentiâ Purchardi eiusdem Ecclesiæ sedis Episcopi, concessimus supra dictis CANONICIS PATAVIÆ loca vnâ cum DECIMATIONIBVS cunctis ad illa loca iustè pertinentibus, quæ antea in beneficia habuerunt, hoc est, in primis PRAMA, deinde GYRCANA, LVPIHCHINESPACH, POLLINGA, HOHINHART, ALTHAIM, OSTARYNAHA, IMATACHGOVE. Præterea etiam CHORPHAIM, HOHINSTAT, & SCHÆRDINGA, cum omnibus ad iam nominata loca iustè & rationabiliter aspicientibus, terris cultis & incultis, campis, syluis, aquis, aquarum decursibus, mobilibus & immobilibus, quasitis & inquisitis, moleninis, piscationibus, vijs & inuijs, exitibus & regressibus, decimationibus totis INTVS & EXTRA, prope ac longè, omnia ex integro supra memoratis CANONICIS ibidem Deo & sancto Stephano militantibus in propriam potestatem perpetualiter donamus, ita vt nullus successorum nostrorum, nec de successoribus videlicet Episcopis suprascriptæ Sedis, aliquid de eis rebus minuire aut distrahere audeat, quæ pro remedio animæ nostræ, ac genitoris atque nostri antenominatis CANONICIS concessimus, & iussimus exinde hoc nostræ auctoritatis præceptum conscribi, per quod decernimus atque iubemus, vt hæc donationis nostræ donatio ab omnibus fidelibus sanctæ Dei Ecclesiæ presentium atque futurorum verius credatur, & diligentius conseruetur: manu propria nostra subter eam confirmauimus, & annuli nostri impressione sigillari iussimus. Signum Serenissimi Regis Ludovicus. E spero notarius ad vicem Theotmari Archiepiscopi recognoui & subscripsi. Data II. Idus Aug. Anno incarnationis domini DCCCC. III. Indictione VI. Anno regni Ludovicus Serenissimi Regis. Actum OTTINGA curia regia. In dei nomine feliciter. Amen.

ii. *Sequuntur duo Diplomata Leonis scil. VII. & Agapeti II. quorum Hundius hic meminit, Ex peruetusto Cod. Richerspergen. descripta.*

LEO